

Na osnovu člana 56. Zakona o organizaciji uprave u Federaciji Bosne i Hercegovine („Službene novine Federacije BiH“, broj 35/05), člana 30. stav 1. i člana i 37. Zakona o izvršavanju Budžeta Federacije Bosne i Hercegovine za 2021. godinu („Službene novine Federacije BiH“, broj 4/21) i Odluke Vlade Federacije BiH o usvajanju Programa utroška sredstava sa kriterijima raspodjele sredstava "Tekući transferi neprofitnim organizacijama - Transfer za obilježavanje značajnih datuma" utvrđenog Budžetom Federacije Bosne i Hercegovine za 2021. godinu, Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata („Službene novine Federacije BiH“, broj: 29/21), federalni ministar za pitanja boraca i invalida odbrambeno-oslobodilačkog rata objavljuje

## JAVNI POZIV

**za podnošenje prijave za ostvarivanje prava na dodjelu sredstava Budžeta Federacije BiH za 2021. godinu – „Tekući transferi neprofitnim organizacijama - Transfer za obilježavanje značajnih datuma“**

### I

Predmet Javnog poziva je sufinansiranje programa/projekata za obilježavanje značajnih datuma, događaja i ličnosti iz perioda odbrambeno-oslobodilačkog/domovinskog rata.

### II

Prijave za sufinansiranje programa/projekta mogu podnijeti kantonalna ministarstva/uprave nadležne za boračko/braniteljsko-invalidsku zaštitu, službe za boračka pitanja Brčko Distrikta Bosne i Hercegovine, organizacije i udruženja/udruge proizišle iz odbrambeno-oslobodilačkog/domovinskog rata, SABNOR, udruženja/udruge, organizacije Armije R BiH i HVO koje su registrovane u RS i vjerske ustanove za organizaciju kulturnih i sportskih manifestacija kojima se obilježavaju značajni datumi iz odbrambeno-oslobodilačkog/domovinskog rata. Prijavu je potrebno obrazložiti, u smislu razloga podrške projekata/programa (historijski, finansijski i sl.). Sredstva će se dodjeljivati na osnovu Javnog poziva, jednokratno.

### III

Pravo učešća po ovom javnom pozivu nemaju podnosioci prijave iz tačke II ovog javnog poziva kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku sredstava.

### IV

Prijedlog raspodjele i isplate namjenskih sredstava po ovom javnom pozivu vršit će se u skladu sa općim i posebnim kriterijima.

### V

Kriteriji za odobrenje sredstava za sufinansiranje programa/projekata za obilježavanje značajnih datuma su:

- 1.) Značaj programa za širu društvenu zajednicu državnog, federalnog (iznimno kantonalnog ili općinskog nivoa)
- 2.) Broj korisnika predviđenih kroz program
- 3.) Vrijednost programa prema projektu i prijavi
- 4.) Učešće vlastitih sredstava
- 5.) Kontinuiranost u održavanju tradicije svake godine



- 6.) Iznos sredstava za aplicirani projekat/program ili obezbjeđenje sredstava iz drugih izvora  
7.) Usvojen program/projekat i izvještaj obilježavanja značajnih datuma, događaja i ličnosti od strane nadležnih tijela podnosioca prijave

Federalni ministar će na prijedlog Komisije posebnim aktom utvrditi mjerljive podkriterije iz tačke V (1 - 7 ) Javnog poziva.

Sredstva za sufinansiranje programa/projekata za obilježavanje značajnih datuma, događaja i ličnosti iz perioda odbrambeno-oslobodilačkog/domovinskog rata odobrvat će se pravnim licima i to: kantonalna ministarstva/uprave nadležne za boračko/braniteljsko-invalidsku zaštitu, službe za boračka pitanja Brčko Distrikta Bosne i Hercegovine, organizacije i udruženja/udruge proizišle iz odbrambeno-oslobodilačkog/domovinskog rata, SABNOR, udruženja/udruge, organizacije Armije R BiH i HVO koje su registrovane u RS i vjerske ustanove za organizaciju kulturnih i sportskih manifestacija kojima se obilježavaju značajni datumi iz odbrambeno-oslobodilačkog/domovinskog rata, u ukupnom iznosu od **150.000,00 KM (stotinpedeset hiljada KM)**.

Iznos po ovom transferu od **40.000,00 KM (četrdeset hiljada KM )** odobrvat će resorni ministar tokom 2021.godine, za one programe/projekte za koje će se koristiti kao potpora programima i projektima za hitne i nepredviđene slučajeve koji nisu obuhvaćeni u Javnom pozivu.

#### VI

Prijave po Javnom pozivu za odabir programa/projekata iz oblasti boračko/braniteljsko invalidske zaštite u 2021. godini, iz tačke II ovog javnog poziva, podnose se Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata (u daljem tekstu: Federalno ministarstvo), na adresu: Hamdije Čemerlića br. 2, 71000 Sarajevo, sa naznakom „Javni poziv za podnošenje prijave za ostvarivanje prava na dodjelu sredstava Budžeta Federacije BiH za 2021. – „Tekući transferi neprofitnim organizacijama - Transfer za obilježavanje značajnih datuma”. Prijave će se podnositi Federalnom ministarstvu u roku od 15 dana od dana objavljivanja Javnog poziva u dnevnim novinama.

#### VII

Aplikacioni formulari će biti objavljeni i mogu se preuzeti sa WEB stranice Ministarstva ([www.fmbi.gov.ba](http://www.fmbi.gov.ba)). Nepotpune i neblagovremene prijave i programi neće se uzimati u razmatranje. Federalno ministarstvo nema obavezu vraćati predatu dokumentaciju aplikantima.

#### VIII

Prijava na javni poziv vrši se uz dostavljanje sljedeće dokumentacije (**original ili ovjerene kopije**):

1. Aplikacioni formular (prijava, obrazac 1, obrazac 2);
2. Rješenje o registraciji;
3. Uvjerenje o poreznoj registraciji (identifikacioni broj);
4. Uvjerenje nadležne Porezne uprave o izmirenim obavezama prema javnim prihodima (ne starije od 30 dana);

5. Ugovor s bankom ili potvrda od banke iz koje se vidi ko je vlasnik transakcijskog/tekućeg računa;
6. Završni godišnji finansijski izvještaj za prethodnu godinu (bilans stanja i bilans uspjeha), osim ako je udruženje registrovano u godini objavljivanja Javnog poziva,
7. Detaljno opisan projekat ili program za koji se traži sufinansiranje;
8. Finansijski plan projekta ili programa za 2021. godinu s izvorima prihoda i očekivanim rashodima koji je usvojen na skupštini/saboru;
9. Izjavu da je dostavljen izvještaj o utrošku sredstava za projekte/programme koji su dobili finansijsku podršku ovog ministarstva u 2020. godini.
10. Potvrda o sufinansiranju programa/projekata (niži nivoi organizovanja, općinske i kantonalne organizacije, savezi, udruženja/udruge, pored navedene dokumentacije dostavljaju dokaz o sufinansiranju navedenog programa od strane višeg organa - kanton, kantonalne organizacije, federalni savezi, organizacije, udruženja/udruge, ukoliko se program/projekat sufinansira od strane navadenih organa.

Broj: 01-37/2-1438-/21  
Sarajevo, 22.04.2021.godine

